

大般涅槃經



卷之八

百廿五
率八

44031



元祿九年丙子二月日重修

皇圖鞏固 帝階綴昌

佛日增輝 懋輪崇轉

山城州天安寺法金剛院置



大般涅槃經卷第三十八

北涼天竺三藏曇無讖奉

詔譯

大般涅槃經迦葉菩薩品第十二之六

迦葉菩薩言世尊根本因增如是三法云何

有異善男子所言根者即是初發因者即是

相似不斷增者即是滅相似已能生相似復

次善男子根即是作因即是果增即可用善

男子未來之世雖有果報以未受故名之

因及其受時是名為增復次善男子根即是

求得即是因用即是增善男子是經中根即

是見道因即是脩道增者即是無學道也彼

次善男子根即正因因即方便因從是正



獲得果報名為增長迦葉菩薩言世尊如佛
所說畢竟者即是涅槃如是涅槃云何可得
善男子若菩薩摩訶薩若比丘比丘尼優婆
塞優婆夷能脩十想當知是人能得涅槃云
何為十一者無常想二者苦想三者無我想
四者厭離想五者一切世間不可樂想六
者死想七者多過罪想八者離想九者滅想
十者無愛想善男子菩薩摩訶薩比丘比丘
尼優婆塞優婆夷脩集如是十種想者是人
畢竟定得涅槃不隨他心自能分別善不善
等是名真實稱比丘義乃至得稱優婆夷義
迦葉菩薩言世尊云何名為菩薩乃至優婆

夷等脩無常想善男子菩薩二種一初發心
二已行道無常想者亦復二種一麁二細初
心菩薩觀無常想時作是思惟世間之物凡
有二種一內二外如是內物無常變異我見
生時小時大時壯時老時死時是諸時節各
各不同是故當知內物無常復作是念我身
象生或有肥鮮具足色力去來進止自在無
礙或見病苦色力毀悴顏貌羸損不得自在
或見財富庫藏盈溢或見貧窮觸事虧損或
見成就無量功德或見具足無量惡法是故
定知內法無常復觀外法子時芽時莖時葉
時華時果時如是諸時各各不同如是外法

或有具足或不具足是故當知一切外物定
是無常既觀見法は無常已復觀聞法我聞
諸天具足成就極妙快樂神通自在亦有五
相是故當知即是無常復聞劫初有諸衆生
各各具足上妙功德身光自照不假日月無
常力故光滅德損復聞昔有轉輪聖王統
天下成就七寶得大自在而不能壞無常之
相復觀大地往昔之時安處布置無量衆生
間無空處如車輪許具足生長一切妙藥叢
林樹木果實滋茂衆生薄福令此大地無復
勢力所生之物遂成虛耗是故當知內外之
法一切無常是則名爲麤無常也既觀麤已

次觀細者云何名細菩薩摩訶薩觀於一切
內外之物乃至微塵在未來時已是無常何
以故具足成就破壞相故若未來色非無常
者不得言色有十時差別云何十時一者膜
時二者泡時三者疱時四者肉團時五者技
時六者嬰孩時七者童子時八者少年時九
者盛壯時十者衰老時菩薩觀膜若非無常
不應至泡乃至盛壯若非無常者終不至老
若是諸時非念念滅終不漸長應當一時成
長具足無是事故當知定有念念微細無常
復見有人諸根具足顏色矐矐後見枯悴復
作是念是人定有念念無常復觀四大及四

威儀復觀內外各二苦困飢渴寒熱復觀是
四若無念念微細無常亦不得說如是四苦
若有菩薩能作是念是名菩薩觀細無常如
內外色心法亦尔何以故行六處故行六處
時或生喜心或生瞋心或生愛心或生念心
展轉異生不得一種是故當知一切色法及
非色法悉是無常善男子菩薩若能於一念
中見一切法生滅無常是名菩薩具無常想
善男子智者脩集無常想已遠離常慢常倒
想倒次脩苦想何因緣故有如是苦深知是
苦因於無常因無常故受生老病死生老病
死因緣故名爲無常無常因緣故受內外苦

飢渴寒熱鞭打罵辱如是等苦皆因無常。復次智者深觀此身即無常。器是器即苦。以器苦故所受盛法亦復是苦。善男子。智者復觀生即是苦。滅即是苦苦生滅故即是無常。非我。我所脩無我想。智者復觀苦即無常。無常即苦。若苦無常。智者云何說言有我。苦非是我。無常亦亦如是。五陰亦苦。無常。衆生云何說言有我。復次觀一切法有異和合。不從一和合生。一切法亦非一法。是一切和合。果一切和合。皆無自性。亦無一性。亦無異性。亦無物性。亦無自在。諸法若有如是等相。智者云何說言有我。復作是念。一切法中無有一法。

能爲作者若使一法不能作者衆法和合亦不能作一切諸法性終不能獨生獨滅和合故滅和合故生是法生已衆生倒想言是和合從和合生衆生想倒無有真實云何而有真實我耶是故智者觀旌無我又徼諦觀何因緣故衆生說我是我若有應一應多我若一者云何而有利利婆羅門毗舍首陀人地獄餓鬼畜生大小老壯是故知我非是一也我若多者云何說言衆生我者是一是徧無有邊際若一若多二俱無我智者如是觀無我已次復觀旌厭離食想作是念言若一切法無常苦無我云何爲食起身口意三種

惡業若有衆生爲貪食故起身口意三種惡業所得財物衆皆共之後受苦果無共分者善男子智者復觀一切衆生爲飲食故身心受苦苦從衆苦而得食者我當云何旌是食中而生貪著是故旌食不生貪心復次智者當觀因旌飲食身得增長我今出家受戒旌道爲欲捨身今貪此食云何當得捨此身如如是觀已雖復受食猶如曠野食其子肉其心厭惡都不甘樂深觀搏食有如是過次觀觸食如被剥牛爲無量蟲之所嗜食次觀思食如大火聚識食猶如三百積矛善男子智者如是觀四食已旌食終不生貪樂想若猶

生貪當觀不淨何以故爲離食愛故於一切
食善能分別不淨之想隨諸不淨令與相似
如是觀已若得好食及以惡食受時猶如塗
癰瘡藥終不生於貪愛之心善男子智者若
能如是觀者是名成就厭離食想迦葉菩薩
言世尊智者觀食作不淨想爲是實觀虛解
觀耶若是實觀所觀之食實非不淨若是虛
解是法云何名爲善想佛言善男子如是想
者亦是實觀亦是虛解能壞貪食故名爲實
非蟲見蟲故名虛解善男子一切有漏皆名
爲虛亦能得實善男子若有比丘發心乞食
豫作是念我當乞食願得好者莫得麤惡願

心多得莫令。慳少亦願速得莫令。遲晚如是。比丘不名於食得。厭離想所脩善法。日夜衰耗不善之法。漸當增長。善男子。若有比丘欲乞食時。先當願言。令諸乞者悉得飽滿。其施食者得無量福。我若得食。爲療毒身。脩集善法。利益施主。作是願時。所脩善法。日夜增長。不善之法。漸當消滅。善男子。若有比丘能如是脩當。知是人。不空食於國中。信施善男子。智者具足如是四想。能脩世間不可樂想。作是念言。一切世間無處不有。生老病死。而我此身無處不生。若世間中無有一處當得離。於生老病死。我當云何樂於世間。一切世間。

無有進得而不退失是故世間定是無常若
是無常云何智人而樂在世一一衆生周徧
經歷一切世間具受苦樂雖復得受梵天之
身乃至非想非非想天命終還墮三惡道中
雖爲四王乃至他化自在天身命終生在畜
生道中或爲師子虎兇豺狼象馬牛驢犬觀
轉輪聖王統四天下豪貴自在福盡貧賤衣
食不供智者深觀如是事已生於世間不可
樂想智者復觀世間有法所謂舍宅衣服飲
食卧具醫藥香華繹絡種種伎樂財物寶貨
如是等事皆爲離苦而是等物體卽是苦云
何以若欲離於苦善男子智者如是觀已於

世間物不生愛樂而作樂想善男子譬如有人身嬰重病雖有種種音樂倡伎華香纏絡終不於中生貪愛樂智者觀已亦復如是善男子智者深觀一切世間非歸依處非解脫處非寂靜處非可愛處非彼岸處非是常樂我淨之法若我貪樂如是世間我當云何得離是法如人不樂處闍而求光明還復歸闍闍即世間明即出世若我樂世增長黑闍遠離光明闍即無明光即智明是智明因即是世間不可樂想一切貪結雖是繫縛然我今者貪於智明不貪世間智者深觀如是法已具足世間不可樂想善男子有智之人已脩

世間不可樂想次脩死想觀是壽命當爲無
量怨讎所擾念念損滅無有增長猶山暴水
不得停住亦如朝露勢不久停如囚趣市步
步迫死如牽牛羊詣旌屠所迦葉菩薩言世
尊云何智者觀念念念滅善男子譬如四人皆
善射術聚在一處各射一方俱作是念我等
四箭俱發俱墮後有一人作是念言如是四
箭及其未墮我能一時以手接取善男子如
是之人可說疾不如迦葉菩薩言如是世尊佛
言善男子地行鬼疾彼速是人有飛行鬼彼
速地行四天王疾彼速飛行日月神天彼速
四王行堅疾天彼速日月衆生壽命彼速堅

疾善男子一息一瞬衆生壽命四百生滅智者若能觀命如是是名能觀念念滅也善男子智者觀命繫屬死王我若能離如是死王則得永斷無常壽命復次智者觀是壽命猶如河岸臨峻大樹亦如有人作大逆罪及其受戮無憐愍者如師子王大飢困時亦如毒蛇吸大風時猶如渴馬護惜水時如大惡鬼瞋恚發時衆生死王亦復如是善男子智者若能作如是觀是則名爲脩集死想善男子智者復觀我今出家設得壽命七日七夜我當於中精勤脩道護持禁戒說法教化利益衆生是名智者脩於死想復以七月七夜爲

多若得六月五日四月三日二月一日一時
乃至出息入息之頃我當於中精勤脩道護
持禁戒說法教化利益衆生是名智者善脩
死想智者具足如上六想即七想因何等名
七一者常脩想二者樂脩想三者無瞋想四
者無妬想五者善願想六者無慍想七者三
昧自在想善男子若有比丘具是七想是名
沙門名遊羅門是名寂靜是名淨潔是名解
脫是名智者是名正見名到彼岸名大醫王
是大商主是名善解如來祕密亦知諸佛七
種之語名正見知斷七種語中所生疑網善
男子若人具足如上六想當知是人能訶三

界遠離三界滅除三界在三界中不生愛著
是名智者具足十想若有比丘具足十想則
得稱可沙門之相爾時迦葉菩薩即於佛前
以偈讚佛

憐愍世間大醫王

身及智慧俱寂靜

無我法中有真我

是故敬禮無上尊

發心畢竟二不別

如是二心先心難

自未得度先度他

是故我禮初發心

初發已爲人天師

勝出聲聞及緣覺

如是發心過三界

是故得名最無上

世救要求然後得

如來無請而爲歸

佛隨世間如犢子

是故得名大悲牛

如來功德滿十方
我今讚歎慈悲心
世間常樂自利益
能斷衆生世果報
世間逐親作益厚
佛無是相如世人
世間說異作業異
凡所脩行斷諸行
先已了知煩惱過
久於世間得解脫
雖現天身及人身
如來即是衆生母

凡下無智不能讚
爲報身口二種業
如來終不爲是事
是故我禮自他利
如來利益無怨親
是故其心等無二
如來如說業無差
是故得名爲如來
示現處之爲衆生
樂處生死慈悲故
慈悲隨逐如犢子
慈心即是小犢子

自受衆苦念衆生
悲愍心盛不覺苦
如來雖作無量福
常爲衆生不爲已
如來受苦不覺苦
雖爲衆生處地獄
一切衆生受異苦
覺已其心轉堅固
佛具一味大慈心
衆生不知佛能救
世間雖具衆煩惱
如是衆結及罪過

悲愍念時心不悔
故我稽首拔苦者
身口意業恒清淨
是故我禮清淨業
見衆受苦如己苦
不生苦想及悔心
悉是如來一人苦
故能勤脩無上道
愍念衆生如子想
故謗如來及法僧
亦有無量諸過惡
佛初發心已能壞

唯有諸佛能讚佛

除佛無能讚歎者

我今唯以一法讚

所謂慈心遊世間

如來慈是大法聚

是慈亦能度衆生

即是無上真解脫

解脫即是大涅槃

大般涅槃經憍陳如品第十三之一

爾時世尊告憍陳如色是無常因滅是色獲

得解脫常住之色受想行識亦是無常因滅

是識獲得解脫常住之識憍陳如色即是苦

因滅是色獲得解脫安樂之色受想行識亦

復如是憍陳如色即是空因滅空色獲得解

脫非空之色受想行識亦復如是憍陳如色

是無我因滅是色獲得解脫真我之色受想

行識亦復如是。憍陳如色是不淨。因滅是色。獲得解脫。清淨之色。受想行識亦復如是。憍陳如色是生老病死之相。因滅是色。獲得解脫。非脫。非生老病死相之色。受想行識亦復如是。憍陳如色是無明。因滅是色。獲得解脫。非無明。因色受想行識亦復如是。憍陳如乃至色是生。因滅是色。獲得解脫。非生。因色受想行識亦復如是。憍陳如色者。即是四顛倒。因滅顛倒。色獲得解脫。非四。倒。因色受想行識亦復如是。憍陳如色是無量惡法之因。所謂男女等身。食愛欲愛貪瞋嫉妬惡心慳心。搏食識食思食觸食。卵生胎生溼生化生。

五欲五蓋如是等法皆因於色因滅色故獲
得解脫無如是等無量惡色受想行識亦復
如是憍陳如色即是縛因滅縛色獲得解脫
無縛之色受想行識亦復如是憍陳如色即
是流因滅流色獲得解脫非流之色受想行
識亦復如是憍陳如色非歸依因滅是色獲
得解脫歸依之色受想行識亦復如是憍陳
如色是瘡疣因滅是色獲得解脫無瘡疣色
受想行識亦復如是憍陳如色非寂靜因滅
是色獲得涅槃寂靜之色受想行識亦復如
是憍陳如若有人能如是知者是名沙門名
婆羅門具足沙門婆羅門法憍陳如若離佛

法無有沙門及婆羅門亦無沙門婆羅門法
一切外道虛假詐稱都無實行雖復作相言
有是二實無是處何以故若無沙門婆羅門
法云何而言有沙門婆羅門我常於此大衆
之中作師子吼汝等亦當在大衆中作師子
吼爾時外道有無量人聞是語已心生瞋恚
瞿曇今說我等衆中無有沙門及婆羅門亦
無沙門婆羅門法我當云何廣設方便語瞿
曇言我等衆中亦有沙門有沙門法有婆羅
門有婆羅門法時彼衆中有一梵志唱如是
言諸仁者瞿曇之言如狂無異何可檢校世
間狂人或歌或舞或哭或笑或罵或讚於怨

親所不能分別沙門瞿曇亦復如是或說我
生淨飯王家或言不生或說生已行至七步
或說不行或說從小習學世事或說我是一
切智人或時處宮受樂生子或時狀患訶責
惡賤或時親脩苦行六年或時訶責外道若
行或言從彼鬱頭藍弗阿羅羅等稟承未聞
或時說其無所知曉或時說言菩提樹下得
阿耨多羅三藐三菩提或時說言我不至樹
無所剋獲或時說言我今此身即是涅槃或
言身滅乃是涅槃瞿曇所說如狂無異何故
以此而愁憤耶諸婆羅門即便答言大士我
等今者何得不愁沙門瞿曇先出家已說無

常苦空無我等法我諸弟子聞生恐怖云何
衆生無常苦空無我不淨不受其語今者瞿
曇復來至此娑羅林中爲諸大衆說有常樂
我淨之法我諸弟子聞是語已悉捨我去受
瞿曇語以是因緣生大愁苦爾時復有一婆
羅門作如是言諸仁者諦聽諦聽瞿曇沙門
名脩慈悲是言虛妄非真實也若有慈悲云
何教我諸弟子等自受其法慈悲果者隨順
他意今違我願云何言有若有說言沙門瞿
曇不爲世間八法所染是亦虛妄若言瞿曇
少欲知足今者云何棄我等利若言種性是
上族者是亦虛妄何以故從昔已來不見不

聞大師子王殘害小鼠若使瞿曇是上種性
如何今者惱亂我等若言瞿曇具大勢力是
亦虛妄何以故從昔已來亦不見聞金翅鳥
王與鳥共諍若言力大彼以何事與我共鬪
若言瞿曇具他心智是亦虛妄何以故若具
此智以何因緣不知我心諸仁者我昔曾從
先舊智人聞說是事過百年已世間當有一
城幻出即是瞿曇如是城惑今在此處娑羅
林中將滅不久汝等今者不應愁惱爾時彼
有一尼捷子言仁者我今愁若不爲自身第
子供養但爲世間癡闇無眼不識福田及非
福田棄捨先舊智婆羅門供養年少以爲愁

耳瞿曇沙門大知呪術因呪術力能令一身
作無量身令無量身還作一身或以自身作
男女像牛羊象馬我力能滅如是呪術瞿曇
沙門呪術既滅汝等當還多得供養受旌安
樂爾時復有一婆羅門作如是言諸仁者瞿
曇沙門成就具足無量功德是故汝等不應
與諱大衆答言癡人云何說言沙門瞿曇具
大功德其生七日毋便命終是可得名福德
相耶婆羅門言罵時不瞋打時不報當知即
是大福德相其身具足三十二相八十種好
無量神通是故當知是福德相心無憍慢先
意問訊言語柔軟初無麤麤獷年志俱盛心不

卒暴王國多財無所愛變捨之出家如棄涕
唾是故我說沙門瞿曇成就具足無量功德
大衆荅言善哉仁者瞿曇沙門實如所說成
就無量神通變化我不與彼角試是事瞿曇
沙門受性柔軟不堪苦行生長深宮不綜外
事唯可軟語不知伎藝書藉論議請共詳辯
正法之要彼若勝我我當給事我若勝彼彼
當事我爾時多有無量外道和合共往摩伽
陀王阿闍世所王見便問諸仁者汝等各各
脩集聖道是出家人捨離財貨及在家事我
國人民皆共供養敬心瞻視無相犯觸何故
和合而來至此諸仁者汝等各受異法異戒

出家不同亦復各各自隨戒法出家脩道何
因緣故今者一心而共和合猶如葉落旋風
所吹聚在一處說何因緣而來至此我常擁
護出家之人乃至不惜身之與命爾時一切
諸外道衆咸作是言大王諦聽大王今者是
大法橋是大法礪是大法稱即是一切功德
之器一切功德真實之性正法道路即是種
子之良田也一切國土之根本也一切國土
之明鏡也一切諸天之形像也一切國人之
父母也大王一切世間功德寶藏即是王身
何以故名功德藏王斷國事不擇怨親其心
平等如地水火風是故名王爲功德藏大王

現在衆生雖復壽短王之功德如昔長壽安
樂時王亦如項生善見忍辱那睺汝王耶耶
諦王尸毗王一叉鳩王如是等王具足善法
大王今者亦復如是大王以王因緣國土安
樂人民熾盛是故一切出家之人慕樂此國
持戒精勤脩集正道大王我經中說若出家
人隨所住國持戒精勤脩集正道其王亦有
脩善之分大王一切盜賊王已整理出家之
人都無畏懼今者唯有一大惡人瞿曇沙門
王未檢校我等甚畏其人自恃豪族種性身
色具足又因過去布施之報多得供養恃此
衆事生大憍慢或因呪術而生憍慢以是因

緣不能苦行受畜細軟衣服卧具是故一切
世間惡人爲利養故徃集其所而爲眷屬不
能苦行咒術力故調伏迦葉及舍利弗目捷
連等今彼來至我所住處娑羅林中宣說是
身常樂我淨誘我弟子大王瞿曇先說無常
無樂無我無淨我能忍之今乃宣說常樂我
淨我實不忍唯願大王聽我與彼瞿曇論議
王即荅言諸大士汝等今者爲誰教導而令
其心狂亂不定如木濤波旋火之輪猴猴擲
樹是事可恥智人若聞則生憐愍愚人聞之
則生嗤笑汝等所說非出家相汝若病風黃
水患者吾悉有藥能療治之如其鬼病家兒

者濇善能去之汝等今者欲以手爪措須彌
山欲以口齒齧金剛諸大士譬如愚人見
師子王飢時睡眠而欲覺之如人以指置毒
蛇口如欲以手觸灰覆火汝等今日亦復如
是善男子譬如野狐作師子吼猶如蚊子共
金翅鳥角行遲疾如兔渡海欲盡其底汝等
今者亦復如是汝若夢見勝瞿曇者是夢狂
或未足可信諸大士汝等今者興建是意猶
如飛蛾投大火聚汝隨我語不須更說汝雖
讚我平等如稱勿令外人復聞此語爾時外
道復作是言大王瞿曇汝朋所作幻術到汝
邊耶乃令大王心疑不信是等聖人大王不

應輕蔑如是大士大王是月增減大海鹹味
摩羅延山如是等事誰之所作豈非我等婆
羅門耶大王不聞阿竭多仙十二年中恒河
之水停耳中耶大王不聞瞿曇仙人大現神
通十二年中變作釋身并令釋身作羝羊形
作千女根在釋身耶大王不聞耆菴仙人一
日之中飲四海水令大地乾耶大王不聞婆
藪仙人爲自在天作三眼耶大王不聞羅羅
仙人變迦羅富城作鹵土耶大王婆羅門中
有如是等大力諸仙現可檢校大王云何見
輕蔑耶王言諸仁者若不見信故欲爲者如
來正覺今者如在娑羅林中汝等可往隨意

問難如來亦當爲汝分別稱汝意答爾時阿
闍世王與諸外道徒衆眷屬往至佛所頭面
作禮右繞三匝脩敬已畢却住一面白佛言
世尊是諸外道欲隨意問難唯願如來隨意
答之佛言大王且止我自知時爾時衆中有
婆羅門名闍提首那作如是言瞿曇汝說涅
槃是常法耶如是如是大婆羅門婆羅門言
瞿曇若說涅槃常者是義不然何以故世間
之法從子生果相續不斷如從泥出瓶從縷
得衣瞿曇常說脩無常想獲得涅槃因是無
常果云何常瞿曇又說解脫欲貪即是涅槃
解脫色貪及無色貪即是涅槃滅無明等一

切煩惱即是涅槃從欲乃至無明煩惱皆是
無常因是無常所得涅槃亦應無常瞿曇又
說從因故生天從因故地獄從因得解脫是
故諸法皆從因生若從因故得解脫者云何
言常瞿曇亦說色從緣生故名無常受想行
識亦復如是如是解脫若是色者當知無常
受想行識亦復如是若離五陰有解脫者常
知解脫即是虛空若是虛空不得說言從因
緣生何以故是常是一徧一切處瞿曇亦說
從因生者即是苦也若是苦者云何復說解
脫是樂瞿曇又說無常即苦苦即無我若是
無常苦無我者即是不淨一切從因所生諸

法皆無常若無我不淨云何復說涅槃即是
常樂我淨若瞿曇說亦常無常亦苦亦樂亦
我無我亦淨不淨如是豈非是二語耶我亦
曾從先舊智人聞說是語佛若出世言則無
二瞿曇今者說有二語復言佛即我身是也
是義云何佛言婆羅門如汝所說我今問汝
隨汝意答婆羅門言善哉瞿曇佛言婆羅門
汝性常耶是無常乎婆羅門言我性是常婆
羅門是性能作一切內外法之因耶如是瞿
曇佛言婆羅門云何作因瞿曇從性生大從
天生慢從慢生十六法所謂地水火風空五
知根眼耳鼻舌身五業根手脚口聲男女二

根心平等根是十六法從五法生色聲香味
觸是二十一法根本有三一者染二者麤三
者黑染者名愛麤者名瞋黑名無明瞋曇是
二十五法皆因性生婆羅門是大等法常無
常耶瞿曇我法性常大等諸法悉是無常婆
羅門如汝法中因常果無常然我法中因雖
無常果是常者有何等過婆羅門汝等法中
有二因不荅言有佛言云何有婆羅門言一
者生因二者了因佛言云何生因云何了因
婆羅門言生因者如泥出瓶了因者如燈照
物佛言是二種因因性是一若是一者可令
生因作放了因可令了因作生因不不也瞿

曇佛言若使生因不作了因了因不作生因
可得說言是因相不涅槃羅門言雖不相作故
有因相涅槃羅門了因所了即同了不不也瞿
曇佛言我法雖從無常獲得涅槃而非無常
涅槃羅門從了因得故常樂我淨從生因得故
無常無樂無我無淨是故如來所說有二如
是二語無有二也是故如來名無二語如洪
所說曾從先舊智人邊聞佛出於世無有二
語是言善哉一切十方三世諸佛所說無差
是故說言佛無二語云何無差有同說有無
同說無故名一義涅槃羅門如來世尊雖名二
語爲了一語故云何二語了於一語如眼色

二語生識一語乃至意法亦復如是婆羅門
言瞿曇善能分別如是語義我今未解所出
二語了旌一語爾時世尊即爲宣說四真諦
法婆羅門言苦諦者亦二亦一乃至道諦亦
二亦一婆羅門言世尊我已知已佛言善男
子云何知己婆羅門言世尊苦諦一切凡夫
二是聖人一乃至道諦亦復如是佛言善哉
已解婆羅門言世尊我今聞法已得正見今
當歸依佛法僧寶唯願大慈聽我出家爾時
世尊告憍陳如汝當爲是闍提首那剃除鬚
髮聽其出家時憍陳如即受佛勅爲其剃髮
即下手時有二種落一者鬚髮二者煩惱即

旌坐處得阿羅漢果

大般涅槃經卷第三十八

膜莫音宛足負切曄干鬼切曄鳥立切搏團音哿

子合積切麤亂矛牟音兜似音瞬書閏切憤公對切

獷右猛切



